


三行

土岐文庫
文庫17
W68
2



10

15

20



文庫 17  
W 68  
2

010185194006

昭和六十年二月一日  
上岐子善慶氏  
寄贈

欽定國朝詩別裁集卷三

禮部尚書 臣 沈德潛纂評

曹爾堪字子顧浙江嘉善人順治壬辰

進士官侍講學士○學士性英  
與所過山川既塞無不指掌形勢人  
與之遊凡姓氏里居官爵與所覽詩  
文積久不忘即虞世南之行秘書可  
移贈也詩文頃刻成同館無與爭捷  
者

金魚池歌仿杜樂遊園體

池邊風日足留賞曲水平隄暗菰蔣且駐



門司  
亮藏



巾車臥綺疏。啟扇拂簾樾。杵響皎月樓。開  
雲母屏。商飈簾動。珊瑚網。紺殿凌空青。露  
閣步虛聲。在青雲上。飛汞烟沈。道士鑪落  
霞閃。映仙人掌。畫明金闕。翠華臨。馳道清  
塵長。來往玳瑁魚斑。日應長。恍在江湖。盪  
蘭葉。名園豈似金谷。奪福地。真如朝川爽  
喜與諸公同賦。詩讀豎。痛飲良可師。今朝  
美酒注深爵。明日殘花辭故枝。仕宦京華

得高會。道歡勝景。皆思私別後。星河望渺  
渺。將離贈遠。遙相思。更餘千載悲秋淚。灑  
髮丹顏非曩時。

宿州

城破空濠在。郊寒木葉稀。數家冰土著。一  
鴈向雲飛。曉月踈楊柳。清風老蕨薇。年來  
新戰鬼。汗血幾時歸。

送宋荔裳少參之任秦州



臘雪街亭滿。何時到鞏昌。閔山樽底月。瓮  
錢帳前霜。閣暖調鸚鵡。花濃隱麝香。出門  
憐舊伴。白首尚為郎。

○顧大中

字震雉。江南華亭人。順治壬辰進士官工部侍郎。著有鶴巢詩。右○雲間自陳以子後詩格漸衰。鶴巢言今辭氣足神完可以接武。

西洲曲

東風吹五兩。憶郎西洲去。門宿武昌船。帆  
開岳陽櫂。去年下西洲。遲日獨登樓。今年

桃李花。紅白浮巴丘。花開得結子。作客何  
窮已。春。斲。鶯。啼。中。妝。成。明。鏡。裏。朝。上。望。夫  
山。織。手。得。紅。蘭。盛。以。茱。萸。囊。結。以。翡。翠。盤。  
鏤。刻。刁。環。形。鴛。鴦。雙。偃。仰。寄。懸。腰。間。帶。銅  
鞮。莫。輕。上。

飲大白酒樓醉後走筆成篇

嗚呼太白雨。何遊應在飄。銀碧落之。倒影  
芙蓉白玉之。仙樓乘雲抱氣躡箕斗。驂螭



浥漢騎長蚪。世人即之杳難求。但見朱軒  
 繡拱環城頭。岱宗歷歷青撲面。黃河西來  
 淨如練。七十二君等飛電。地老天荒出酒  
 人。狂歌直與天為鄰。上殿捉筆力士噴背  
 負。鹽鼎誰相存。就中賞音賀季真。獨抱麴  
 蘖看浮雲。登樓日醉忘其身。西風野火衰  
 草死。由來豪貴盡如此。我今把盞揖君起。  
 相與酌酒問濟水。古今醉醒那終始。何不

高步窮紫煙。摘取列星當酒錢。斟酌海水  
 常不乾。開襟痛飲樓之巔。醉呼黃鶴迴青  
 天。凌虛縹緲  
筆有仙氣

雪後登歌風臺示沛令

一劍收秦鹿。秋風萬里心。悲歌誰掩泣。壯  
 士已成禽。井邑新豐舊。龍蛇大澤深。殘碑  
 埋野戍。雪後此登臨。盛唐氣魄。雪後只於  
未句點出。作法一變。

送沈繹堂編修遷大梁道



鼓角北風涼。雙旌入大梁。十年悲瓠子。萬馬散敖倉。少府新沉璧。中原古戰場。君行能臥治。未許薄淮陽。大梁漢淮陽國即汲長孺所治也。不同於

然北

故閑

畫日常山道。雄閑此鬱盤。萬山爭一險。絕壁鳥飛難。馬度黃雲合。旗翻白日寒。論兵空有地。誰得更登壇。自在井在際有淮陰談兵處石唱

出平定州

忽尔危關豁。羣然衆嶺低。山連鴈門外。地出井陘西。亂石淹人跡。層冰怯馬蹄。相逢故鄉客。燈下手重携。自注壽陽縣吳泰毓令君故云

始發良鄉

上馬頻傾惜別杯。薊門西去亦悠哉。地隨督亢依山盡。河控桑乾入塞來。老去尚能持漢節。時清應不重邊才。冰霜漸逼君

國朝詩苑卷之三



門遠東望長安首重回。

秋雨移酌櫟園舟中

雲滿東山急雨霏。移觴對酌雨依依。荒城野戍鳴秋柝。海嶠孤臣冷暮衣。醉後元黃燈半燼。尊前風雨鴈初飛。君看豐沛笙歌地。昔日高臺今日非。

王士禛

字子底。山東新城人。順治壬辰進士。官吏部考功員外郎。著有西樵集。○西樵阮亭長兄。阮亭詩學所從出也。嘗以非率下。寔後遭母喪。

遇哀晦母死。讀書有特識。謂坊本子貢詩傳中公詩說。并偽書。李維正序行津逮秘書收之。皆誤也。詩以才清擅長。運古而不見使事之迹。一時名家故應歛手。

長平坑歌

虎狼之秦胡不仁。銳頭小兒服振振。刮灰更促括也將。一戰趙壘成埃塵。白骨嶽積四。十萬至今。此地無青草。丹塢水邊發鳩。鷓。指點當年趙兵。土人往往坑旁耕。拾



得殘戈或斷鏃。鏃頭長以水。戈頭長以尺。  
持糗磨向丹。河沙古血猶腥土。花赤省寬  
谷接武安臺。南來遺蹟仍崔嵬。應共髑髏  
山下。月夜深。同對鬼燐哀。視陶中立長平  
戈頭歌較有曉

顧云美八分書歌

斯翁變體古文邈。斯翁李斯斟酌其間八分  
作。中郎以還。攻者稀。直數開元。顧文學。於

今苗裔仍東吳。短簿祠邊舊樓。託我從筆  
陣推波瀾。遠繩乃祖真無作。為言向來大  
有人。躡漢追唐歸宋郭。自注宋比妙蹟鄙  
人惜。少見餘子紛紛。資力薄。乞君廻筆書  
堂頌。鵠峙龍拏。腕中落。當年海內無干戈。  
留都文物尤峩峨。不獨規市盛絃誦。蕪復  
桃葉繁笙歌。六看祭酒鮮散髻。出醉美人  
金叵羅。雅負辨眼工小字。詩成自寫無偏

國朝詩集卷之三



頗爾時負販重風雅。人傳片楮兼金多。仙人昨過索綯宅。清淺茫茫不堪索。刻居然非壯天蕭條誰問韓陵石。儒衣僂岬顧阿瑛巷。向江湖作逋客。醉書自署頭陀茶。擲筆時時念今昔。此書珍重感君深。歸來高揭南榮陰。臥看渴驥奔泉勢。如見冥鴻避弋心。云美名岑吳中遺老志高節堅不獨分隸篆刻上追古人也一結如見其人并知其心

詔罷高麗貢鷹歌

真人御極臨八荒。百蠻九譯皆享玉。西旅之獫越裳雉。貢物各各因其方。海東俊鳥如毛質。鐵爪金眸猛無匹。九都作貢來天家。特受鞴鏃佐采畢。踰鷹臺上秋天高。乘時驅獸行蒐苗。羽騎駉驪翠華至。星旃雲罕紛周遭。蒙翳射熊未足羨。跋犀羶兕徒遮邀。是時摘條試一縱。萬人昂首瞻



青霄飛鳥後。先失巢窟。委身灑血。填君壑。  
至尊往往動顏色。玉此迴。嚙鳴蕭蕭。系  
遠傳聞勤。睿旨詔罷奇。毛自。今始行。靠  
兼存。踐履慈。苗。霞。漢賦。春。田。美。聖神舉動  
殊尋常。此事悠悠古誰比。君不見。此。豎。天  
子真英雄。受。諫。鵲。死。藏。懷。中。  
推揚 盛德 語特沉 筆末

二句從國雅本 音節似勝原作

裁衣曲

初罷清砧響。還勞素腕舒。殘燈金粟尺。遠  
道玉闌書。白紵縫仍濕。紅綿怨有餘。流黃  
明月路。何處逐輕車。  
可入升菴 五言律祖

憶萊雜詩

時復尋春郭。煙光縱目寬。山姿濃太澤。潮  
勢洄三韓。小立拋籐杖。微吟側籜冠。醉歸  
還倒載。未厭海風寒。  
或疑第四語注字所 出注鈍翁曰 吳楚東 南 拆 拆 字 汨 字 正 以 獨 造 為 奇 見 漁 洋 詩 話



晚晴

鳴雨作還。北蕭然開晚晴。雄風涼大壑。雌  
霓貫秋城。臺送遙山碧。窓添夕照明。長空  
聞鴈語。悵悵故園聲。

四語貫字與潮芬同  
二韓泊字同一生造

上黨

古言

雄藩上黨古今名。形勝未易京南脫。  
河山俱在下。宵看星漢只疑平。義陽千載  
仍祠廟。夾寨當年劇戰爭。足底黑雲天下

脊。幾朝車馬赤霄行。

程崑崙招集萬歲樓

千尋江閣引諸峰。多景登臨策短筇。參佐  
風流如謝朓。樓臺瀟灑似王恭。三年夢裡  
西津雨。半夜燈前北固鐘。明日芒屨別君  
去。城中遙望白雲重。

賦得丹鳳城南秋夜長

丹鳳城南秋夜長。關河寒近落微霜。不煩



錦字論長恨。自有清砧教斷腸。破衲沙頭  
鴻欲去。拂雲堆上草初黃。傷心卻羨城邊  
月。猶照深閨玳瑁梁。

末麗詞

冰雪為容玉作胎。柔情合傍瑣窗隈。香從  
清夢迴時覺。花向美人頭上開。

金漸皋

字夢蜚。浙江仁和人。順治壬辰進士官漢陽知縣。著有治安堂集。怡安勝任劇邑大吏。方以才能薦而翩然乞身。其風高矣。論詩謂泥

古而拘。趨今而褻。總期抒寫性情。今披其集。果如其言。

冬日雜詠

日日愁仍攬鏡看。楚人憔悴尚南冠。力微  
不任施橫草。論定終當待闔棺。元亮晚途  
甘石隱。孔明早歲本龍蟠。救時事業湏經  
術。莫道蒼生笑謝安。  
一生行藏已見以道

邗江

畫舸南遊錦纜移。垂楊空有萬條垂。二分



明月仍今夕。十里珠簾異昔時。回望鄉關  
迷咫尺。頻年踪跡媿支離。可憐楊子橋邊

水。只與征人照髻絲。此述兵燹後之邪  
江故語多哀賦

李來泰字石臺江西臨川人順治壬辰  
進士康熙己未召試博學鴻

詞官翰林院侍講著有石臺集。先  
生文不肯一語猶人詩獨以平正通  
達行之能者  
不拘一格

中山貢使入朝紀事

卻貢趨朝禮。遇殊碧氈。雖結語烏烏已聞

聖主方焚玉何用獻人更泣珠環海近

添新郡縣。中山已屬舊疆隅。謹將域外名

王表添入。天家職貢圖。輕貢缺而重朝  
服立言有體

荆公故宅

十年高卧此東峰。出處無端費已叢。浴蜀

黨成疑誤國熙豐法。敬竟緣公爭墩已賦

三山石。記里猶傳九曜宮。漫向春風尋舊

澤。生平功過史書中。由言利而變法由變  
法而結述由結述而



名亂則朱家南渡荆公有以致之也  
臨川人每多諱言作者自存直道

覺塵余故人子也以僧來謁書以贈

之

昔年曾訪王官谷。故苑飄零事已非。為問  
故人誰白髮。忽驚孺子變緇衣。江湖遠道  
難通問。邱壑終身不療飢。太息廿年塵土  
黃。鏡根未解箭鋒機。

黎士弘 字規曾福建長汀人順治  
甲午舉人官寧夏副使道

至西昌知周櫟園先生無恙且得手

書

他鄉驚喜君還在。痛定開函淚更流。萬死  
才回明主顧。孤克猶屬故人收。衆中薄命  
誰能惜。意外微生荷獨留。誤畫閩南碑下  
客。無端北望哭西州。  
一氣赴題少陵有此  
章法前代謝茂秦時

亦有之

王士正 字貽上山東新城人順治乙未  
進士由司李入為曹郎改翰林



官至刑部尚書著有帶經堂集。魚  
 洋少歲即見重於牧齋。書後學  
 日富。聲望日高。宇內尊為詩壇  
 主。身無異辭。身後多毛  
 舉。其失互相彈射。而趙秋谷  
 談龍錄以詆謾之。志未足以  
 心也。或謂漁洋賴祭之工。太  
 反為書卷所掩。故爾雅有餘  
 之氣。道折之力。往往不及古  
 之悲壯。沉鬱。每在亂頭粗服  
 之。曰是則然矣。然獨不曰  
 愁苦易好。安能使處太平之  
 作無病呻吟乎。愚未嘗隨眾  
 敢隨眾毀也。乎心以求錄其  
 其有當眾心與否。不及計焉。  
 以明雅博雅勝者居多。然恐  
 收之不

書茲特取其高華渾厚有法度  
 神韻者覺漁洋面目為之改觀

定軍山諸葛公墓下作

高密起南陽。文終從高祖。暴繁本見疑。數  
 翎亦非武。堂堂諸葛公。魚水託心膂。二表  
 匹謨訓。一德追伊呂。視操但如鬼。畏蜀還  
 如虎。嗟彼巾幗徒。與公豈儔伍。紫色復蛙  
 聲。抵隙各為主。火井方三炎。赤伏更評與  
 午。志士恥帝秦。祭器猶存魯。陰平一失險



面縛忘奔莒。知公抱遺憾。龍臥成千古。峨  
 峩定軍山。悠悠沔陽滸。蘇人冬青林。哀哀  
 號杜宇。耕餘拾遺鏃。月黑聞軍鼓。譙侯京  
 足。誅激昂。淚如雨。起四語以蕭何之下廷  
 尉鄧禹之連敗歸  
 授形武侯之一德一心未嘗挫  
 井三炎謂高祖光武昭烈也叙迷忠  
 武烈及天命興衰後激昂憑吊如有神  
 助此等詩典重高朗即欲使之無傳其  
 可得乎

朝天峽

朝登嘉陵舟。日出羗水赤。屢險倦鞍馬。即  
 次亦稱遊。黠黠雙峽來。突見巨靈頭。蘄嶮  
 無寸膚。青冥厲雙翮。陰崖積龍蛇。跳波畏  
 鯨擲。往往歷人頂。駭此欲崩石。洞穴峽半  
 開。兵氣尚狼藉。蛇豕據成都。置戍當險厄。  
 至今三十年。白骨滿梓益。流民近稍歸。天  
 意厭兵革。會見資盧人。燒畚開确磽。慷慨  
 一扣船。浩歌感今昔。風便黎州城。茫茫波



濤白漁洋五言俱近所疑唐吳三昧一格以不著因點為主所謂殺羊挂角無迹可求非也然不善學之易開于庸之漸獨入蜀五言俱宗仰少陵發秦州後諸詩能狀山川奇險愚故舍彼取此

龍門閣

衆山如連鰲突兀上龍背鱗鬣中怒張風雨晝晦昧出爪作之而神奇始何代亂水趨嘉陵波濤勢交滙萬壑爭一門雷霆走其內直跨背上行四顧氣什倍夕陽下岷

峨天彭光破碎咫尺劍門關益州此絕塞子陽昔躍馬妖夢成仙儼音態區區王與孟泥首終一概李特亦雄兒偕竊竟何在

王謂王建子衍降於郭從韜孟謂孟知祥子泉降於宋

五丁峽

南窮石牛道崑崙下雲棧三日招我魂足掉目獨眩豈知東蒼州耳目益奇寔始過金牛驪穆鳴已凌亂漾水從北來劣足泛



鳧鷹舉頭嶺冢山。我冠倚天半。大哉神禹  
 功。從此渠江漢。漸入五丁峽。譎詭駭聞見。  
 斗壁何獐狻。十萬磨大劍。攢羅列交戟。茫  
 昧通一線。亂水般峽中。鯨脣喜瀾汗。似眺  
 絕圭。景俯聆。競雷扑。九鼎鑄神竅。到此百  
 憂患。東方牧犢兒。竟使蠶叢判我行。忽萬  
 里。風土異鄉縣。身落大荒西。終賴皇天眷。  
 咄咄復何言。艱虞一身賤。仰眺絕圭景見  
 峽高嶺日非圭

景所能測也。俯聆競雷扑。言府聽濤聲  
 如奔雷也。孫樵蜀賦云。臨千仞之驚流  
 而雷林。

天柱山

朝出元武門。雲垂雨忽凍。登登天柱山。千  
 盤墮瀕洞。崢嶸逾巴閬。槎牙過秦鳳。陟巖  
 如累棋。下谷疑入甕。心俯尻益高。足縮目  
 先送。敢嗟鳥獸羣。稍喜徒旅衆。我有大羽  
 箭。崩鳧輒命中。於菟昂其首。飲羽乃不動。



道旁松合抱。巨可任梁棟。惜哉野蔓纏。不  
蒙匠石用。絕頂見岷山。青城亦伯仲。一氣  
連諸蕃。三州實西控。太平幸無事。左髻時  
入貢。念彼松姚戍。坐甲苦飢凍。俯臨陸海  
雄。仰視天宇空。長嘯干。仞岡出。險忽如夢。

海門歌

岷岷東下江水長。遠從井絡來。吳鄉奔濤  
萬里始一曲。古之天塹維朱方。北界中原

北南絕。魚龍日月相迴翔。中流一島號浮  
玉。登高眺遠何茫茫。長空飛鳥去不盡。江  
海一氣同青蒼。山外兩峰遠奇絕。雙闕屹  
立天中央。左江右海辨雲氣。如為八裔分  
紀疆。江流到此一縷束。早潮晚汐無披猖。  
獨燭龍曉日出雲海。山光照曜連扶桑。年來  
海戍未停罷。峨舸大艦來汪洋。胡豆洲前  
起烽火。徒免浦上披襦裳。古聞京口兵可



用寄奴一。去天蒼涼我願此山障江海七

副百粵為隄防。作歌大醉卧巖石起看江

月流清光。焦山東北有島並峙謂之海門

到此一束縛二語得此境與詩俱見閑鎖矣以下皆感時吊古

丹徒行弔宋武帝

曲阿之北京口東寄奴王者真英雄新州

伐荻殺龍子大業遂建丹徒宮桓家小兒

亂天紀投袂勤王夜中起擗捕百萬皆人

豪能行虎步非凡理從茲大運屬彭城中

原趙魏歸經營硤口千軍五龍洞藍田一

戰二嶠平南北推移幾千載太息雄圖竟

何在宿寒寒原少昔人神鴉社鼓成空塞

王氣銷殘帝宅荒悠悠江水不勝長忠臣

徒歎袁開府天命還歸蕭建康後荆建及

簡勝末路匪徒苦心搜索而得是日神來

故明景帝陵懷古景陵在天壽山東峰之下



金山南臨裂帛湖荒陵十里鶴鷗呼奪門  
 事往二百載行人過此猶歛歔紅牆剝盡  
 古瓦落莓苔溜雨生銅鋪老松離立色枯  
 禡但穴蟲蟻餘根株散塗龍輜禮本秘矧  
 乃劫火經樵蘇咫尺天壽雲氣接坏土獨  
 葬西山隅洪宣老臣稍凋喪國成一旦歸  
 刑餘勃鞞之間史所貶詎有宦寺千征諫  
 黃沙慘澹鼓聲死萬乘一擲成纍俘國有

君矣社稷重孫中謀難無差殊白登城南  
 翠華返錢塘司馬功難誣紛紛南渡議和  
 戰乃知詐左非良圖全寅之占信奇中朝  
 衣東市嗟何辜劔南歸水西內閉唐家父  
 子輸虜奴處人骨肉事非易子臧季札今  
 則無功罪千秋有特筆九鼎一髮須人扶  
 謚同泉鳩理太酷紀年猶幸無葦除裁令  
 流水良亦足寧論玉匣還珠襦欲落不落



夕陽下。吊古且復留斯須。殘碑滅沒牛礪  
 角。石獵橫臥茶鬢鬚。君臣一代盡宿草。雍  
 門太息當何如。詩凡敷陳共事易於率直  
 不如引古人事以代之中  
引公孫申之另立公子孺而鄭伯友國  
 為據又引唐元宗始居興慶宮後為李  
 輔國制遷西內以証之又引子臧季札  
 之相諱以及証之則論有本而不傷於  
 直矣然惟多讀書者始能○金山即王  
 泉山也漾沙金色故名○北符後徐程  
 主南遷之議于謙痛哭止之○景泰  
 初謚曰戾泉鳩漢戾太子潛匿地也

戴嵩牛圖

一川莎草煙濛濛。曉來雨過開牛宮。三尺  
 短筭兩轂餘。午陰掉尾嬉涼風。一頭摩角  
 一頭齧寢訛有態何其工。江干笛材老煙  
 竹。橫吹髣髴穿林叢。絹素慘澹神理在。是  
 耶非耶傳戴嵩。田家風物宛在眼。但有耕  
 作無兵戎。我行哦下踰萬里。青衣江上平  
 羌東。翠藤紅樹亂煙雨。風景略與圖中同。  
 一從羽書急滇海。甌越秦楚交傳烽。益都



迢遙隔天末。舊說有夢尋巴。實旄牛。徽外  
阻。玉會萬蹄。騎馬高纏駿。千村萬落。長荆  
棘。何時金甲銷。春農童牛不牯。可三。歎卷  
圖。風雨來長。松以畫牛引起太平時田家  
風物至吳眈尚三逆叛而  
此景不復見矣未以童牛不牯  
意作結層々牧束是何本事

秦鏡詞為袁松籬作

熒熒古鏡雙盤龍。流傳本出咸陽宮。秦時  
明月至今在。剝落泥沙露光彩。當年秦并

六國時。後宮閉置千雙眉。守宮注臂鏡照  
膽。三十六年君不知。華陰道上逢山鬼。韞  
蘇。京來祖龍死。美人鐘鼓散如煙。此鏡蒼  
涼。闕朝市。憶昔大收天下兵。十二金人初  
鑄成。還令餘事作奩鑑。太乙下視蛟龍驚。  
剝與羸蹶何倉卒。金鑑千秋如一髮。秦鏡  
虛懸照膽寒。不照長城多白骨。自注漢祖  
入咸陽宮  
得方鏡廣四尺九寸照見五藏見西京  
雜記。只末語另換一意通融便不平



直

漫興

泚泚荆襄地當年割據州營連九節度星  
動五諸侯已共長江險應關上將憂郭門

傳息壤不障洞庭流

九節度指郡王貝勒及諸將時長沙守

臣奔逸執遂有胡南六郡旁扇諸蠻

嗚咽秦川水秋風入鼓鼙妖星躔隴右犬  
將出安西陸陸將誰附蒼蒼迫不逃似聞

寬大

詔不忍戮鯨鯢大將指圖海也

烽火傳花馬將軍發賀蘭天心誅叛虜國

法受降寬衝帳青唐入沙場白骨塞亂臣

誰黃死史筆後人看青唐地在黃河之曲

不見離支熟閩州驛騎來大農師漸老使

者節難迴五嶺烽相照三山瘴未開冥冥

炎海外目極鈞龍臺

西北和親國王姬禮教殊一朝忘錫舅萬

國朝詩話卷之三

三



里送頭顱露布明駝足軍鋒落雁都六師

信神武羣盜敢枝梧時噶爾噶亦叛遣端郡王平之故云

海內兵塵滿乾坤正氣孤數公明大義一

死激頑夫閉塞青楓晚英靈白日徂他年

看秉筆得慰鬼雄無六指守上死節如陳月赤楊三知劉欽鄰

徐誥列上英諸臣○新城五言律俱追琢工穩此特取其蒼莽雄傑者

苻離吊潁川侯傅公

羅馬千山外呼鷹百戰場自江古百戰道在宿境平

天漢遙遙指劍關逢人先問定軍山惠陵

艸木冰霜裏丞相祠堂檜柏間八陣風雲

通指顧一江波浪急潺湲遺民衢路還私

祭不獨英雄血淚斑

晚登夔府東城樓望八陣圖

永安宮殿莽榛蕪炎漢存亡六尺孤城上

風雲猶護蜀江間波浪失吞兵魚龍夜偃

三巴路蛇鳥秋懸八陣圖搔首桓公憑吊



處猿聲落日滿

議論格律声響皆無一不合在比地信陽詩

中定推上乘。八陣圖有三在。夔州者六十有四為方陣法。

渡河西望有感

使者河源復卻迴。杖藜曾記到雲臺。高秋

華岳三峰出。曉日潼關四扇開。星宿海從

天上落。崑崙槎自斗邊來。何時更訪茅龍

去。東望滄溟水一杯。華岳東北有雲崑崙

從塞外來。通辭是渡河後西望故皆作追憶語未思他日更往有餘情焉

寄李鄴園尚書二首

聞天烽火達錢塘。太乙靈旗指越疆。文武

共推周吉甫。勛名誰並郭汾陽。椎牛五夜

千夫膳。射虎三秋百戰場。今日羅平妖鳥

盡。早聞憂國鬢如霜。

爛柯山上障雲低。太末城南月暈齊。飛機

直踏彭島外。織塵不動浙江西。戰袍血濺

盤。鷓鴣雄劍霜寒淬。鷓鴣半壁東南功不



細。天書頻下武都泥。荆園名之芳耿逆

亥即移鎮衢州拒仙霞關使賊不得踰

嶺窺江浙三四皆寔錄也彭門島連福建與漳公檄使勿連海寇

和徐健菴宮贊喜吳漢槎入關之作

丁零絕塞鬢毛斑。雪窖招魂再入關。萬古

竅荒生馬角。幾人樂府唱刀環。天邊魑魅

愁遷客。江上蓴鱸話故山。太息梅村今宿

草。不留老眼待君還。徐健菴時為宮贊為細緩放還此古道交

也梅村有送吳季子出塞詩云

### 皖城懷古

清水塘邊余闕祠。雲霄浩氣凜鬚眉。英姿

颯爽猶橫槊。古砌荒涼只斷碑。鶴化千年

非故國。鷄鳴十廟不同時。皖江便是田橫

島。義士悲歌為涕洟。忠宣死於陳友諒不

死於明然存此忠憤之心則化鶴歸來必不共十廟功臣並

著祠祀者也故令扶議論以行方是知世人論世



趙承古畫羊

三百羣中見兩頭。依然秃筆掃驂騮。搗來  
 清遠吳興地。忽憶蒼苾勅。秋南渡銅駝。  
 猶憶洛西歸。玉馬已朝周。牧羝落盡蘇。卿  
 節五字。河梁萬古愁。三四見命意矣復  
 觀詞則凌空意則鋒刀而更以蘇子卿  
 之不失臣節足之趙王孫何處生活耶  
 人云詩中有史  
 此則詩有春秋

余澹心寄金陵詠懷古跡卻寄

千古秦淮水。東流繞舊京。江南戎馬後。愁  
 殺庾蘭成。

國士橋

國士橋邊水。千秋恨未窮。如聞柱厲叔。死  
 報。莒敖公。公不以國士遇叔及公被難叔  
 以死報之身讓之不死於范中  
 行而獨死於知伯未得為  
 完人矣此種詩有補名教

石城橋示倪鴈園太史

昔作秦淮客。朱樓賦洞簫。白頭故人盡。重



上石城橋不言神傷 盛唐風味

再過露筋祠

翠羽明璫尚儼然湖雲祠樹碧於煙行人  
繫纜月初墮門外野風開白蓮闡揚貞烈 易入於腐

故以題外着意法行之高郵遠近俱種  
白蓮二語得陸天隨月堯風清欲墮時  
意

秦淮雜詩十四首

新歌細字寫冰紉小部君王帶笑看千載

秦淮嗚咽水不應仍恨孔都官自注弘光  
時既司馬

以吳綾作朱絲蘭書燕子箋諸劇進宮  
中諸咏亦皆頂屑不甚關係故獨取此

題尤展成新樂府

南苑西風御水流歎前無復按梁州飄零  
法曲人間瀟誰付當年菊部頭自在展成  
樂府順治

中曾進  
御覽

猿臂丁年出塞行灞陵醉慰莫相輕旗首  
被酒何人識射虎將軍右北平



千金七首土花斑。兒女恩讎事等閒。他日與君論劍術。要離塚畔買青山。自注題黑白衛傳奇

灞橋寄內

太華終南萬里遙。西來無處不魂銷。閉中若問金錢卜。秋雨秋風過灞橋。

馬鬼懷古

巴山夜雨卻歸秦。金粟堆邊草不春。一種傾城好顏色。茂陵終傍李夫人。傷其不得傍金粟堆

也以李夫人形之使曲而有餘味

秦中凱歌

新開麟閣賞元功。頗牧重看出禁中。此去西人須破膽。將軍昨日下遼東。

天上黃河萬里來。巨靈高掌抱雲臺。遙看丞相行營去。日射潼關四扇開。

涇原西北駐王師。尺一無煩介馬馳。共道皇恩天浩蕩。不教京觀築鯨鯢。



袞衣照路有輝光。班劍威儀出尚方。大將  
橐韞迎道左。萬人鼓吹入平涼。

河西三將氣如虹。百戰功名次上公。詔

下一時齊虎拜。漢朝爭羨竇安豐。自注將

進爵靖遠侯提督王進寶進奮威  
將軍總兵孫思克進涼州提督

三月軍鋒次渭橋。旋看飲至紫宸朝。空言

韓范威名大。五路何曾制曩香。此為王輔

子之叛秦地震動大夢士圖海靖遠侯  
張勇奮威將軍王進寶提督孫思克討

平之因作凱歌也前明徐文長沈嘉則  
請凱歌非不鋒利然皆書生之習未除  
對此知為  
廟堂之作

### 螺磯靈澤夫人祠

霸氣江東久寂寥。永安宮殿莽蕭蕭。都將

家國無窮恨。分付潯陽上下潮。此昭烈孫

潯陽以上為劉潯陽以下  
為孫夫人之恨真無窮矣

### 謁文忠烈公祠

精神如破貝州時。晚節猶能動四夷。天遣



不同。韓富沒姓名。留重黨人碑。如此作詩總許不磨

議論。黨人碑以司馬光第一文彦博次之。原本留冠黨人碑。撮易重字諒漁洋亦不以為妄也。

馮雲驤字訪生山西振武衛人順治乙未進士

雲棧

山腰萬仞露下臨。不測淵俯身。窺樓鶻舉手。接飛鳶。山頭舊冰雪。閃閃挂飛泉。溪中萬古石。跳珠濺潺湲。忽驚仄路絕。空行駕

危。椽峰峯自迴。合。藤。真。東。荒。煙。盤。盤。綠。石。壁。磴。磴。捫。青。天。遙。看。來。往。人。縹。緲。訝。飛。仙。更。聞。猛。虎。嘯。當。我。踞。層。巖。勞。臣。有。定。限。豈。敢。憚。艱。難。匹。馬。千。山。外。迢。迢。夕。照。前。

鳳嶺

鳳嶺行來欲上天。此行無異作飛仙。紅霞白日回頭近。鳥道蛇盤獨馬穿。未斷崩崖愁瀑水。半歌懸徑仗危椽。側身萬仞峰巔



過秦蜀遙看雨點煙得鳥道地盤句上句亦覺不平作詩者宜

如此法

邱象升字曙戒江南山陽人順治乙未進士

清遠峽

委折江如綫鋒稜勢益增。曉昏雲氣度雷  
雨石痕崩洞古空猿跡菴荒暗佛燈。客心  
愁入暮高峽尚層層。

苦竹渡

夕陽殘影沒哀眼翳長空。樹暗驚人語溪  
寒避虎風戒心齊擊柝野火亂燒叢前路

津門是星華望未通連上章能狀奇險之境

嚴沈字子容浙江餘杭人順治乙未進士官戶部侍郎○司農敘退

謙押雖遠九列不殊寒素有譏彈其詩者應時改定遠近稱為德人

送吳謹侯同館謫廣文還里作歌

擊筑且斟燕市酒浮雲富貴吾何有。巖前  
碧樹吐朱華天上白衣幻蒼狗。風翻易水



橫素波送別聊為暇豫歌。松皮屈鐵老山  
 雪。鵬翮擊浪凌溟河。膏龍吐鳳留華省。授  
 經博士官偏冷。夢迴輦道記鳴珂。坐聽輶  
 轡初轉井。西風冥冥吹白沙。尊前細雨開  
 簷花。杜老乍簪青瑣筆。鄭虔本愛赤城霞。  
 奪我鳳凰池。未妨彭澤醉。興來拄笏西山  
 翠。自有哀吟動鬼神。長將詩卷留天地。不  
 知璧水况金門。見說移官亦主恩但看

臥坦邊韶腹有日。桂迴博望源。

夢迴輦道  
一語寫其

五堂天上之感末并望  
主恩之賜環  
而出以微婉不傷直致得立言之餘

田凝只索畫。久不得報歌。以代柬。

我昔平湖弄秋水。酒酣最愛羣峰青。興來  
 落筆寫山色。泉石出沒雲冥冥。一日十紙  
 不厭速。貴取繪意非傳形。三春索米長安  
 陌。馬足泔泥滯行跡。西山玉河在眼前。神  
 昏擊強真意隔。案頭緗素委零亂。肯遊尺



一相催迫必逢好友情性諧  
 吮墨含毫始光澤  
 首秋暑退風簾開  
 疎雲細雨滋綠苔  
 玉盃烹茗泛香雪  
 十指拂拂神初來  
 故舒直幹筆一放  
 試畫層嶺煙齊迴  
 須臾脫手天容森  
 此事原堪一朝了  
 不嘆濡滯嗜我真相  
 遲霜前看雲嶠意得寫神人力不與速則片刺遲積歲時  
不以日月計也作詩作文亦然然可與言者甚罕

春日漫興

吏隱淹微尚棲遲  
 帝里春虛名慙諫草  
 薄祿慙慈親馬度桓松直鶯啼苑柳勻  
 主恩殊未報不敢慕垂綸

補到第天近斑衣愛日長  
 生成看燕雀戰伐新豺狼  
 紙筆兜誰好柴桑婦  
 不忘閉門焚草屨歸夢五湖傍  
三語異物各得所四語憂干戈未靖報國空懷養親賒願真覽百端交集矣

懷季天中澄左



萬里邊城問謫居，躬耕遼海意何如。龍沙更作投湘賦，鳳闕長懸諫獵書。鴨綠流漸春水下，醫閭積雪暮寒餘。柳條漸識陽和近，未必君恩雨露疎。

汪

宛字若文江南長洲人順治乙未進士授戶部主事康熙己未

名試博學鴻詞官翰林院編修著有嘉峰詩鈔。鈍翁官部曹後與王西樵昆弟諸人稱詩都下風格原近唐人中年後以劍南石湖為宗後則頽然降格矣茲擇其矜貴有餘者著于卷中不使掃擲字面者以鈍翁為藉

口也生平穿穴煙史議論俱有根柢雖被其齟齬者終稱許焉

泊石湖有懷

江風逗餘涼，輟棹自成賞。谷口霞已開，洲心月初上。遙聞款乃曲，知是漁人唱。獨樹影蕭條，孤鴻色惆悵。不見故人来，時向煙

中望

此章近孟山人是鈍翁中年作描摹晚景令讀者如置身其間

遊鄧尉山遇徐生

夙齡瞻名山，抗志事遊衍。葛弱容屢捫，梁



危許孤踐風泉渺難尋空翠紛莫辨去美  
惜已遙米奇望猶緬餘霞互明滅微雲忽  
舒卷曩曩薜蘿衣之子來何晚道與寂寞  
會志向崇深展倘秉偕隱心結廬詎在遠

去美來奇二語深於尋山者領之○作  
者五言古過於直白二章猶有言外者

五鈞斜

月觀淒涼罷歌舞三千絕質蘊荒楚寶鈿  
羅帳半隨身躡作吳公臺下土春江如故

錦颿非露葉風條積漸稀蕭娘行雨知何  
處惟見橫塘蛺蝶飛

有客言黃魚事紀之

三吳五月炎蒸初棟樹著雨花扶踈自注

云棟樹花此時黃魚最稱美風味絕勝長

橋鱸憶昔東南全盛餘海船銜尾張網罟  
公然滿載返吳市市中雜選謹擔夫柳條  
貫鯉冰貯腹數尾僅直千青蚨豪門膳宰



善烹治。劑以醯醬。芼筍蔬。芳鮮頓覺溢几  
 案。主賓下箸爭歎。疇自彼洲島。阻兵燹。鯨  
 鯢竄逸。稽天誅。詔書尺一禁航海。漁師  
 安敢飄揚蒲。蛤蜊海母尚難致。况望此魚  
 供客需。老饕雖患食。指動畏觸禁。令生他  
 虞。吳儂日夕歡且吁。有司束淫嚴錙錄。何  
 當小醜就拘執。舳舻往返如通衢。趙趙風  
 中。取鱸至此魚。復得登庖厨。吾儕口腹詎

足。挾但願海晏波濤除。廟堂日缺羽書  
 捷。戈船諸將令何如。此海氣未靖時作也  
 食物之細傳出東南  
 兵防未以羽書之捷望  
 之纖小題竟大有關係

送再從姪處默

又向長安別。凄然動客愁。秋風吹遠道。落  
 日在孤舟。雁逐江烟下。潮衝楚樹流。何時  
 復相見。與續竹林遊。賈長江詩以古成落  
 黃葉浩然辭故開為  
 上以其格高也篇  
 中三四語亦然



計甫草至寓齋

門巷何蕭索。惟君步履頻。青雲幾故舊。白首尚風塵。身受才名誤。文從患難真。耦耕知未遂。相顧倍傷神。十字為千古文人道之

送人南遊

長路應難問。君行况及秋。不知葭菼外。何處泊孤舟。遠嶼連雲起。殘潮漾月流。可憐南去雁。并作客中愁。

寄贈吳門故人

遙羨風流顧愷之。愛翻新曲覆殘基。家臨綠水長洲苑。人在青山短簿祠。芳草漸逢歸燕後。落花已過浴蠶時。一春不得陪遊賞。苦恨蹉跎滿鬢絲。三四工絕秀絕如此何得宋詩他如白奕蝶飛芳草畔江蜻蛙立蕩花中柳條細似平行線荷葉圓於半雨錢景畫句中不敢同

賦得宮人入道



翻因薄命愛長生。羽斃雲冠再拜行。曾被  
玉皇教按曲。忽隨金母學吹笙。顏逢鍊液  
重。疑艷身為持齋轉。覺輕從此幽棲如野  
鶴。萬年枝上月空明。五六語妙於雙閑

自乞天恩下玉墀。宮中女伴鎮相思。羞題  
紅葉傳塵世。願守丹爐事本師。垂手只携  
襍斗訣。點唇初習步虛詞。此生無復昭陽  
夢。猶為君王夜祝釐。結意傳出忠愛合溫柔敦厚之旨

送魏子存之成都同西樵周量貽上

鳳城垂柳為君攀。西去高軒指散關。望帝  
愁魂春樹外。臥龍故壘夕陽間。天懸鳥道  
連三峽。地入蠶叢控百蠻。到日不妨頻吊  
古。訟庭草長簿書閒。此猶近唐人體規

和李退翁侍郎讀水經注憶洞庭之  
作

曾持使節遠揚舠。落木層波共杳冥。澤畔



有人哀不爾速雲中何處降。湘靈雨過斑竹  
千叢綠。潮落蘭兩岫青。回首舊遊今阻  
絕。不堪寂寞對遺經。

阻風

獨臥孤蓬底。長途此夜窮。殷勤解留客。惟  
有石尤風。

姑蘇楊柳枝詞

膩盡寒威尚未消。淺黃輕碧影迢迢。費他

煙雨如何限。只替東風染柳條。

白玉堂前發數枝。粧成每自下階墀。中庭  
不是無花看。獨為清陰立少時。全以韻勝

過石塢

主賓無語似相忘。淨掃青苔坐夕陽。乳燕  
飛飛蛭閣閣。楚萍謝絮滿池塘。分甘餘話

取此詩豈我神氣  
朱與之相近耶



國朝詩別裁集卷三 終

欽定國朝詩別裁集卷四

禮部尚書 臣沈德潛纂評

曹申吉

字詹餘山東安邱人順治乙未進士官貴川巡撫○兄升八長於詩二曹齊名時為安邱增重○員逆反公陷賊中庚申憂蠟書赴關密陳机宜為賊所覺切歸鴻害

武昌雜詩

隔岸晴川影帆檣觸浪奔  
禹功江漢大楚俗鬼神尊  
地濕陰常盛天低日易昏  
荒洲

國朝詩別裁集卷三



猶寂寞詞賦擬招魂禹功二句已盡楚中之天

人日貴陽作

故里今年別殊鄉昨日春看雲遙愛日紀  
歲在逢人澤國湘沅外山城魑魅鄰野梅  
初應候寒雨幾經旬赤帖千門換雕題百  
帳馴綵幡迎楚鴈銅鼓賽苗神瘴癘崎嶇  
地艱危老大身已甘淪井鬼無復繪麒麟  
雲英重開子椒盤屢荐辛牂牁天更遠屈

賈帛何頻暖律迴窮公得生託大鈞友朋

偕楚道詞賦動芳辰髻好觀青鏡心期理

白蘋鳳樓歌舞處望斷屬車塵懷卿憲主句烹字

鍊出之體源應在老杜

楚南

偶向瀟湘聽斷猿斑斑千載泣龍孫楚南

近日蒼生淚不是當年帝子痕

劉體仁字公戰河南潁川衛人順治乙未進士官吏詞考功郎著有滿



菴集○公賦詩出以生新每近於濫嗜好應在東野王魚洋屢稱之池比偶談載公賦友某素喜琴沒數年公賦一日扶姬過其墓停車酌酒使姬各操一曲其風致如此

送戴務旃遊華山

夜談太華奇朝來理輕策似子獨往意自然生羽翮我無濟勝具心懸神仙宅祿僻聞壤緣索度或猿擲即至玉女龕蓮花豈堪摘頗窮造化由能識巨靈擘一身出天

地笑看培塿積歸來毛髓異定跨茅龍翁

起十字寫探奇之勇通體刻削不肯猶人

寄阮亭司理

離居才幾日蘭葉春風生門外即流水片帆東下輕野處寡新交良辰多遠情思君如草色迢遞向蕪城

即事

西湖小閣多延月好友同舟半是僧寄語



江南老桑苧。秋山紫蕨憶行滕。頭華玉訪孫太初時。

湖中所見景象如是

秦松齡。字留仙。江南無錫人。順治乙未。

台試博學鴻詞官諭德。先生初入翰林賦白鶴詩應制中云高鳴常向月善舞不迎人。上重具有品。

### 金陵司馬行

宿遷旅次何子曰。鴻述其先世遺

事請作是詩兼送之別。

汝祖金陵小司馬。移家始傍梁溪居。不事  
毛錐好說劍。男兒塞上當捐軀。襄陽法曹  
年少日。貂璫盡屈諸司膝。唯公倨強殺其  
奴。脫走京師歸。請室請室朝朝復暮暮。王  
把陰符自箋注。百年興廢總瞭如。九邊阨  
塞能指數。溫旨重寬直節臣。芙蓉湖土幾  
垂綸。援邊忽奉勤王檄。應詔還留報主身。  
萬金散盡酹死士。死士曾無一人死偏師。



纒出復回旋。西風淚落桑乾水。破耗軍需  
罪不宥。權奸在路天無畫。銀鍊誰當楊魏  
先覆車。幾作熊王後。信即龍飛再赦還。  
家常憶玉門關。壯心未展英雄死。孫子飄  
零衣食艱。送君東行在歧路。努力功名莫  
返顧。濁酒今朝贈一觴。宿遷城外瀟灑雨。  
權奸在路天無畫。嘉廟之時何時耶。小  
司馬之不死。幸矣。詳叙生平可當小傳  
詩之誅姦諛。殆潛  
德者我有所為焉。

上熊雪堂先生

正繫蒼生望。先生未合閒。累朝看赤舄。兩  
疏乞青山。直道安危後。深心去就間。盈盈  
章貢水。為照老臣顏。

潞河寒食

浮雲北望悵何依。寒食餘威未減衣。柳色  
獨隨行騎沒。桃花仍見釣人歸。青烟禁燭  
誰家散。紫燕春泥到處飛。白別帝城多歲



月西山朝爽尚睡睡此罷官出長安詩予心猶速言下可思

和吳弘人見贈之作

頻年蹤跡混樵漁舊友還過慰索居白首  
更逢多難後青山重憶定交初詩篇寂寞  
苑齋雨懷袖蒼涼絕塞書自注弘人出示弟漢槎塞土  
書尊酒共君秋夜醉滿庭清露濕芙蓉

于忠肅公墓

定策當年奠帝京墓門遙見半湖明傷殘

松柏啼新鬼寂寞祠堂卧老兵宗廟有靈  
存社稷英皇無意殺先生古來遺恨錢唐  
水又繞台山氣不平英皇無意殺先生殺之者徐石也天順異

日之悔  
可見

雜感

烽火章江警急多滕王樓閣轉嵯峨雕鞍  
曉日明珠玉列帳秋風泣綺羅坐算幾聞  
黃石略戰酣誰奮魯陽父司農日夜憂財



國朝詩集卷之四  
擊鼓椎牛氣若何。

授鉞親賢廟算強旌旗萬里作巖疆周家  
同姓盟為長漢制非劉爵不王當日酌勛  
原異類至今除患屢分防堪嗟諸將功成  
後不肯歌鐘會未央。

關隴車書此日同相公拜命領元戎屯邊  
戍久推克國納土功寧比竇融。詔出中  
朝心獨厚。恩頒西土慶何窮。聖人威

德原無用。干羽虞廷舞未終。

時三逆連結

出沒徵兵轉餉紛紛未  
定故作者屢形於言

### 荆南春日感懷

聖主崇文雅化新。天書初下訪儒臣。漢廷  
有意尊經術。宣室何妨對鬼神。喜說圖中  
求駿馬。還看席上得奇珍。上林春色應如  
舊。憔悴當年獻賦人。此為  
鳴博而言  
詔求  
把酒臨江感慨多。西南天地正橫戈。登樓



有客依劉表。使粵何人下。趙佗浪接三巴。聲激壯。觀名一柱。勢嵯峨。偶逢春晝。無烽火。聽得琵琶。幾曲歌。所南粵猶未平。故中懷有憂。

滿目

滿目紅旗載米船。西南何日罷戈鋌。翰軍未盡蕭何策。憂國空思卜式賢。薄海偏供兵革費。群公莫濫水衡錢。焦勞尚體君王意。救亂無如儉德先。

閱

叙 字鶴擢江南江都人順治乙未進士官廣西提學

輯廣西志略漫述

莫擬浮湘續楚歌。雲山渺渺意如何。三唐遷客南中盛。兩宋移官嶺外多。人萃英華承雨露。天留碑碣寵巖阿。即今有士能耽隱。猶自青山卧薜蘿。

捲甲曾聞捷若風。軍威久鎮百蠻中。如何債帥皆徵貨。多事。中涓獨總戎。經術壽邊



原理想權謀制勝亦膚功呼庚誰復蒐軍  
實府海司倉自夢通

王

揆字端士江南太倉人順治己未進士有芝罘集

送嬾雲道人還滇中

干戈未定欲何之萬里還家一袖隨湖海  
班荆無姓氏風塵面銜有鬚眉身當持鉢  
飄零白魂憶投詩慟哭時故國魚龍秋寂  
寞不堪憑吊向昆池

借伯氏周臣過織簾先生故居同顧

伊人訪陳確菴夜宿

草堂人去薜蘿存洒淚空招未返魂猶見  
康成遺故籍忽思元亮老孤村青浮稻色  
秋間路白照蘆花月裏門感舊愈難今夜  
別追維生死對黃昏識蘆先生顯麟士也  
康成故籍指麟士言  
元亮孤村指確菴言確菴名珣兩先生  
皆志節士未句追維生死謂麟士生  
謂確菴一語  
摠收二人



丁 澎 字飛海浙江仁和人順治乙未進上官禮部郎中有扶荔堂詩

嚴顯亭云祠部少有白燕樓詩流傳吳下士女爭相采摭以書衫袖發州吳之器有句云恨無十五雙鬟女教唱君家白燕樓為時傾倒如此

題曾青藜尊人傳後

莫為信陵土寧作韓陵石。子昇碑記存荒烟。杯酒不澆公子宅。不見曾公古俠者。十歲能文兼躍馬。賦就欲奪雲夢田。劍擊長凌武安瓦。灌夫弟畜朱家奴。乾坤何處容

腐儒。豈子成名何足齒。天下英雄君與孤。干戈鼎沸若飛電。江南黃犢如席捲。慷慨談兵尊俎前。草檄特膺公府薦。片紙能勝十萬師。一身耻為三語掾。登床自許捉刀人。帳中莫使孫郎見。此時樓船橫楚州。朝議不敢申同讐。指揮泣下表。開府信誓直折寧南侯。功成不賞蹈滄海。曾連遺風至今在。歲月俱因戎馬馳。壯心不與滄桑改。



徐庶還家為老親。江湖把釣足閒身。少微  
 星邊憂處士。秋風原上動勞人。有子青藜  
 與我厚。是父声名滿人口。飲泣再拜前致  
 辭。乃公佳傳煩下走。猗嗟韓陵信陵掩秋  
 霧。烏雀啾啾白楊渡。千古之名何存哉。貞  
 珉長傍松楸樹。子為此歌君莫悲。聊作阡  
 銘表其墓。

送王山長還楚南

地盡三巴接。將歸南雍州。天空一鴈斷。何  
 處岳陽樓。橘樹侵寒雨。猿聲入暮秋。仲宣  
 仍作客。更切望鄉愁。詩取其格

慰李琳枝侍御詔獄

抗疏今何事。身危直道難。忽聞收北寺。不  
 敢問南冠。草莽臣無狀。朝廷法屢寬。聖  
 明知汝戇。頻取諫書看。慰臣直望主恩也。執政方時。法明

君無此心一  
種立言之辭



初至靖安寄邸中諸舊友

萬里從戎路。崎嶇正此行。雁聲孤斷磧。虎  
氣撼空城。淚盡慚兒女。身危仗  
聖明。才  
銀何日約。回首玉關情。虎氣五字如見敵  
賊破成都後景象

東岡

信是興王地。城郊古木穠。鸞鳴三殿雨。猿  
挂二陵松。踈拙違明主。胼胝愧老農。吾  
廬荒徑近。時見白雲封。

送趙錦帆比部歸汴州

携酒青門送客多。相看無奈別離何。漫愁  
閉塞疲征馬。從此乾坤有荷蓑。藥鼎千年  
藏日月。雲山一路少風波。天寒大澤行人  
斷。獨向夷門叩角歌。言錦帆歸去後草野  
方有耕鑿之人推重  
也

送孫九畹備兵保寧

萬里交方尚枕戈。旌車八月下牂猓。猿聲



苦霧城邊急。虎迹荒原戰後多。棘道生狂  
能漢語。羌西諸將半渝歌。休言割據蠶叢  
遠。灩澦秋高起白波。

見燕

杏葉新陰拂女牆。風吹小燕過池塘。相期  
定似逢寒食。乍見爭如說故鄉。弄影不教  
沾柳絮。銜泥何惜點琴囊。雙栖並翅真憐  
汝。愁殺盧家春晝長。  
一語中燕之多情與  
已之多情皆見可云

善作  
情語

度嶺見長城

嶺坂風迴樹鬱盤。長城如帶霧中看。隋陽  
雁斷天疑盡。背日峰高夏苦寒。滄海不沉  
秦女石。浮雲欲動楚臣冠。伊川一曲先揮  
淚。况是親經行路難。  
登高臨深自有此種  
眼界以種心胸奇驚

之語自  
然勇士

過長洲吳瑤如郡守招飲漫賦



悲歌燕市意何窮。返向南行我向東。十九

年歸蘇屬國。二千石重漢吳公。他時苦憶

松江鱸。此夜愁聞塞北鴻。休傍姑蘇閭麋

鹿。荒臺空鎖白楊風。三語謂已後靖安歸四語謂吳郡守也

應詩能長酬應之亦復可存

### 送汪舟次檢討奉使冊封琉球

孤懸鼉嶼海涯間。襟帶窮荒控百蠻。已奏

春秋知正朔。何年南北併中山。自天宸翰

龍鱗動繞日珠旃。豹尾班底事皇華念將

母乘風歸路指刀環。康熙戊戌歲徐澂齋

侍母時作詩送行者必以出使省親對

舉推為台律不知出使是主意省親只

### 送徐徵君電發辟召之京

此去朝辭林屋峰。布衣疏屨倍從容。眼中

吾老非衰鳳。足下人稱是卧龍。應 詔趨

由丞相府。封章辟自大司農。知君去閣詩



成後苦憶西堂舊植松。

塞上曲

百戰洮河西。備羌合黎山。外月如霜。何頭  
老將沙場臥。尚說寧弓。凌武皇。

王日藻

字印周。江南華亭人。順治乙未進士官湖南巡撫。

潘山人至自遼左

匹馬南歸道路長。相逢畫閣話遼陽。賣家  
錦字詩難寄。蘇氏河梁雁幾行。秋盡隴雲

寒欲雨。陽回遠草白於霜。漢廷亦下金雞  
使。誰念當時折檻郎。

董

舍

字闕石。江南松江人。順治乙未進士。著有藝葵詩集。

旅窗讀漢書

提兵十萬擁元戎。斬帥湛船意氣雄。戰鬪  
八年能獨霸。殺降三戶竟無功。秦軍已破  
漳河上。漢社初移渭水東。諸將騰行齊稟  
命。莫因成敗笑重瞳。



登穹窿謁句曲行宮

山勢崑崙欲到難，玉真宮殿擁千官。香飄下界青冥近，磬入諸天碧落寒。洞口斷雲朝放鶴，石根晴樹暮棲鴛。金門羽客龍泥印，夜禮星辰上醮壇。

彭襄 字子贊，四川閬中人。順治乙未進士。

書屈陶合刻後

凌風以後數靈均，彭澤天然見性真。對酒

不忘書甲子，懷沙空自歎庚寅。滋蘭九畹心偏遠，采菊東籬句有神。五柳三閭異醒醉，何妨千載德為鄰。分分合合律細語工與鄭湛若屈原賈誼

沈自尚 字留侯，江南吳江人。順治乙未進士官蓬萊知縣。

同韓倬次雪聲遠登快風閣兼寄懷

繹堂

秋來傑閣共登臨，極浦遙山入望深。吳苑



弟兄欣聚首。梁園賓客最關心。燕葭拂浪  
渾如雪。橘柚垂煙半似金。指點江鄉畫圖  
畫。遲君墨妙一題襟。

王澤弘字消來湖北黃岡人順治乙未進士官至禮部尚書著有吳廬集

○吳廬辭官後移家金陵既老矻矻風雅遠近奉為摠持者也綠稿本未鐫漸次散失故所收止此

送陳心簡之遼東

驅車獨旅向三韓。九月秋風已漸寒。繞道

玉門生入得誰知。鐵嶺放歸難。長天積雪  
家何處。絕塞嚴冰路幾盤。鴨綠江深終古  
恨。南來鴻雁報平安。

留侯祠

穀城山下草離離。追憶高風繫所思。漫道  
留侯如女子。每看楚帝只嬰兒。報韓志切  
逢黃石。翼漢功成賴紫芝。身退拂衣還辟  
穀。神仙原是帝王師。



易州使院詠松

去年手植新松樹，碧葉青枝取次陰。餘長  
凌雲應有日後人，誰識歲寒心。果抱歲寒  
心，後人自  
有識者。

買花

賣花擔上露絲乾，野老移來滿藥闌。拋却  
故山花事盛，翻來燕市買花看。

陸鳴珂字次山，江南華亭人，順治乙未  
進士，官學使，著有使蜀詩川。

七盤上雞頭關

北棧行將盡，雞頭勢轉雄。七盤蟻旋磨，百  
折馬行空。天險關山壯，人謀斧鑿工。十年  
轉戰地，故壘動悲風。山川之險，源得奇警，  
如臨寫之，此老杜遺  
法。

方兆及

字子治，南桐城人，舉人，官山  
東按察使，事著有天文官制  
諸書，詩稿散佚，茲於韻風雅  
中采取二章等，於吉光片羽。

劉生



劉生可是高皇高任俠由來重漢京六郡

良家輸浩氣五陵豪士屬荒儉雕龍雄辯

金張館獵騎橫穿衛霍營死難報恩如飲

食一言投合此身輕劉生未詳何代人辭始於梁元帝是六朝

時東府也後人相沿味之篇中狀其任俠縱橫已云曲盡

銅雀妓

漢室金甌昨改步曹公銅雀已成臺名姝  
俱匹英雄去豔質惟邀妓女來瑤席冷餘

無窮氣總惟空後有徵及却憐疑塚紛如  
堉欲望何從心早灰

○錢陸燦字相靈江南常熟人順治丁酉舉人○相靈為牧齋族子然其

詩不為虞山派所縛別調獨裊夏曼自異毗陵李詩者多宗之

牡丹花下集同袁籜菴唐祖命方爾

止張瑤星余淡心黃俞邵諸君子

長句一首

前歲花時渡江去去歲吳門三月暮三度



花開一度看今年。恰在金陵住。金陵舊是  
 帝王都。歲歲花開如畫圖。此花又殿春風  
 後。朱衣王謝相傳呼。一筵醺費中人產。一  
 花千人萬人眼。金盤綠盃共貽贈。招邀名  
 士分折柬。永和蘭亭金谷園。月落檀板催  
 金尊。百尺烏絲長到地。清詞艷句爭飛翻。  
 得所穠花易消歇。子規啼血樓宮闕。無復  
 天彭百馱花。王孫瓦勝埋香國。花殘人散

可憐春十處園林。九處塵欲往城南訪著。  
 舊酒徒零落空芳辰。太史園中花百種。紅  
 歛綠。捧花頭重。花神有意洗粧遲。要勒詞  
 頭。固君寵諸公同日看花未。鄧生酒甕還  
 重開。廿年無此好事者。無詩不醉那能回。  
 酒醉詩成花欲語。明歲花開待子汝。春雨  
 春風作主人。鸞鳳泊同羈旅。於一花之  
步之盛衰中後跌宕病有對此茫茫  
百端文集之感。天彭山名陸游有天



彭越月記五勝金木水  
火土五德言迭相勝也

計東字甫草江南吳江人順治丁酉

謝茂秦墓圯懷畫索中金為修墓過  
順德知歸震川寄在都有所記二篇  
求遺址不得乃入署旁寔園中辨香  
再拜至吳稱門生於黃孝子向聖人  
共賢之詩不苟作  
時露胸中抱負

### 宣府中元夜即事

邊月新秋夜哀音四面發戰場多舊鬼野  
祭有遺黎析亂愁人聽風驚倦鳥樓遙遙

### 宣府逢立秋是歲閏七月

秋氣吾所愛邊城太早寒披裘三伏慣擁  
被五更殘風白長城落天連大漠竟摩霄  
羨鷹隼健翻尔飛擲

### 鄴城中謝茂秦山人

鄴中懷古正秋風詞賦深慙謝氏工生欲  
移家辭白雪沒隨疑塚對青楓諸玉禮數  
何常絕七子交期竟不終自是貴游無遠

國朝詩川文集卷四  
三



識布衣未必歎飄蓬

王季始推茂秦為盟長後稱眇山人而黜

之見交道之不占也後半大為布衣吐氣予有論詩絕句云眇目山人足性靈詩盟寒後苦飄零後來誰吊荒墳者只有吳江計改亭改亭甫草別號也

荅雲間蔣馭閣

西陵原上憶經過。屈首從君學九歌。豈意  
邊書驚御宿。遂令夜壁老山阿。破家張儉  
飄零以賃保。王成辛苦多。今夕相逢還道  
故。數聲鶉鴉喚起庭柯。

田茂遇

字嘉淵江南華亭人順治丁酉舉人

貧交行

古人未貧亦不老。今人貧乃傷。懷抱古人  
結交重青雲。今人棄置同秋草。今古人情  
何太殊。我來仗劍邯鄲道。邯鄲城中遊俠  
多。邂逅相逢意氣好。腰間脫劍且按歌。尊  
中有酒復傾倒。上堂拜母下揖嫂。與子縫  
裳復剥棗。君不見古來英雄不用為傭保。



叩角行歌石皓皓作者負氣抱奇于此一詩見之

孤兒行

孤兒啼聲何淒然問汝啼何為長跪答言  
父為南海太守居官清廉不枉取一錢嗚  
騶吹角大吏巡邊前導到部勢喧然晨報  
謁不得前夕報謁不得前急從販鹽者賞  
繡百聯獻之幕府大不歡曰此邦舊有百  
斛珍珠船大吏朝去境夕拜賤守此海邦

另標名賢烏白鷺黑上下茫然父羈南海

不得旋客死歸黃泉兒負廢母跋涉山川

乞食路間望見大吏嗚騶吹角仍巡邊猗

嗟父骨歸何年音節全從古樂府出乞食路間後復望見大吏巡邊

痛絕在此警絕亦在此

曾

初名傳燈字楚田後更名曉字

人。有學集序寔謂朝而紫塞夕而朱向涼州之歌曲與疑碧之管絃繁駭一破奔赴交作令讀若回易而不能自主



麻平寺逢友人自楚至

空山留一寺。下馬忽逢君。蜀道無長轂。征衣有棧雲。秋邊鳴細雨。谷口上斜曛。客自瀟湘至。猿殺似慣聞。

雞頭關

南山忽已盡。納納褒城春。漢水原通蜀。巴山不過秦。燒荒熊出壩。樹密虎窺人。銘德昆吾者。還應問釣綸。

同僧登赤嶺

看碑尋赤嶺。采菊到黃州。雁氣回秋渚。江聲撼酒樓。兵戈雙眼淚。吳楚一孤舟。蕭瑟匡山客。應隨慧遠遊。

章在茲

字素文。江南吳縣人。順治丁酉。忠文公之同風。素文先生。總之。每一部。成其序。文文曰。老婦僕人。匿而不出。坊間演劇。予金始付之。此吳中佳話也。事載質亡集中。

將出金陵



昔日秦淮渡。高歌舊酒樓。今來江上月。獨對帝城秋。壯志銷投牒。微軀賤旅遊。干將鋒盡折。真悔覓封侯。  
以古詩體行律詩新然筆力

都中雜興之一

入洛誠多事。遊梁亦已頻。半生歡結客。一刺肯依人。不遇鍾期聽。何慙原憲貧。倚門終日望。只是負慈親。  
喜結客而不傍門戶其品可知一結藹然

漢武

調遣天兵過月支。蒲萄新發上林枝。初聞使者巡三輔。又命將軍號貳師。越雋樓船通屬國。朔方烽火照征旗。羽林無數孤兒在。獨向高臺泣望思。

陳廷敬

字子瑞山西澤州人順治戊戌進士官至大學士謚文貞著有

午亭文編澤州居館間典文章經畫論思密勿之地幾四十年故其吐辭可上追燕許茲特取其典質朴樸者著於卷中



平滇推三篇

岳湖逐寇也

岳湖洋洋。我武泱泱。謂南有藩。無敢撼我疆。岳湖滔滔。我武囂囂。謂南有藩。無敢闕我刻。章一我疆大矣。我圉溢矣。茅蘗其間。棘合蠟昔。我南藩化。為異類。章二帝如兩大。以覆以載。推食以食。解衣以衣。遷之善地。勿剪勿拔。三章拔彼惟狂昏。狡焉生心。肆

為誅首。啟戎于南。如塘奮臂。如蚋決背。首仰臆張。如豕斯驚。四章惟帝咨嗟。惠威是崇。薄往禽之。就佐予功。予矜下民。救此一方。取其殘凶。是類是造。禍于臨衝。五章楛矢敦離。音離弓我弓我矢。靡旌摩壘。兵無遺鏃。耕無失耜。夫塹茫茫。限此江水。既斷其趾。且斬其頰。執盜負險。阻距趨躍。跟翹飛飢。歛羽翅以張侯。在太白占於天。狼我涇我隴。



是震是驚七維彼閩粵波蕩海垠。帝屢  
 下顧哀此墊昏盜往連結倚以父母乃餌  
 乃誘乃為盜守八帝援天矛鍛羽截鱗嶺  
 海革面蒙羞來臣禽越于威柔肌于慙盜  
 失厥助飛魄殞命九老雄野死梟雛棲棲  
 巢湖飲海傾搖於波爾居艱危我步透渥  
 大袒高驪賊焉遁逃十洞庭湯湯岳陽我  
 峨載驅載馳爰拔厥家十一惟人歸德惟

帝之謨窮經窟宅是剪是屠我武燿記

戎廓鬼區曰蠻萬國俟我來蘇十二章

既尚二逆助兵逆反也第九章謂三桂  
既死賊勢漸衰而我師以神武臨之也

湘東克衡也衡盜倚為巢克之武功

將成也

師渝于江于湘之東師如雷馮震衡岳以  
 攻一夫為逆多方則病播虐抗有德我人  
 斯奮卒歸厥命一歸命伊何衡人之災衡



盜所家追奔逐北。犀甲雕戈。虎旂龍節。

天威所加。二章帝臣如虎。帝師貔武。烈烈

旃旌。淵淵金鼓。疑疑綏章。嘽嘽戎路。莫我

敢拒。三章右刈武陵。左掃星沙。磨崖峭嶮。我

功孔嘉。戎馬晨服。候烽夕遮。剿絕惡本。敢

遺萌芽。四章其特楓木。其特辰龍。震之拔之。

自西自東。陟嶺踰嶽。于山于川。遠招邇歸。

囚豪解頰。五章東西合師。進次于沅。孽童

感怙。兇忍頑。左擣其虛。右攻其堅。載關載

袞。會于中。六章既克于沅。沅人嬰嬰。如日

之昇。如霖遇晞。以肉其枯。以勅其羸。式歌

且舞。以樂我師。七章南訖羅施。來迎壺漿。鳴

鞀銅鼓。洗兵盤江。彼寇輿屍。晝匿宵奔。滇

人荒茶待我于門。八章凡此滇功。惟天子

乃成。古者推轂闔外以行。今者決勝一秉。

廟廷孰是遺孽。而厘睿明。九章師徒渾渾。



漸集于滇惟天威式監官臣恪守乃獲

其醜保大定功流聲焉窮十章。此專為

而諸蠻歸化滇孽退歸于滇不敢復出矣

滇池盜伏于滇師受聖策乎之武

功成也

滇池洶洶帝乃乎之匪彼元戎惟帝

之功高居北極洞視下方惟仁智勇克靖

萬邦帝命臣增汝從西粵急擣其窟

拜受命銜枚束刃環滇其來龍駭鵬騫

軍聲轟然如墜自天帝命臣里汝往巴

蜀橫剪側入里拜受命量沙追尋有疾

其驅無暴我邦踣柵此聖言壁其東帝

命臣秦汝從黔趨惟此蠹賊數載曠誅汝

將士用命賊其敢通秦拜受命于皇

之訓我旄我旗于苗于蠻度幕輕留亦

險蔽關奪其阻隘拔其籬藩獸窮負嶮我



師固以完。五帝命我師。勢為犄角。麾城擻  
 邑。萬里手握。維彼鷖麤。敢抗喬嶽。維彼萌  
 枿。敢傲霜雹。六彼枿繁矣。于焉蟠根。雨露  
 既濡。忘帝力之勤。聖人神武。施設芟  
 夷。斲彼泉驚。張我龍螭。七俸鍾批亢。下甲  
 陷堅。箕張翼舒。合圍于原。歎窮于阱。人或  
 歎哀。快彼凶醜。覆卵毀胎。八帝曰吁。嗟勞  
 我人師。日費百萬。大農不支。滇人望拯。如

節。瘠飢載礪。載攻天策。攸宜。勳孟冬月  
 校師薄干城。降旛夕監。逆駭縱橫。林野塗  
 腦。垂驛。通顛。滇人歌舞于屋。于衢。十夜半  
 捷來。天心惻楚。閔憐下民。罹此荼苦。我  
 將我師。于野暴露。布惠疇功。急疾如火。十  
 章于廟于郊。其儀孔熾。華俎膾牲。永  
 言昭事。都人士女。白叟黃童。歎呀嘻笑。祝  
 我聖躬。十二帝曰歸來。子開明堂。制禮



興樂登賢拔良孩養無告施厚仁滂熙我庶績綱舉目張永萬斯年率由不忘十三

此篇為遺孽既平武告成而言○平滇雅三篇平吳逆作也康熙十二年冬吳三桂反雲南明年耿精忠反福建既尚之信反廣南相繼應之時諸將稟承廟謨以次進討十五年耿逆降十六年尚逆平至二十年章泰貝子賴塔二將軍下雲南吳世璠自到死雲南平時三桂已前死吳三篇為吳逆言而連及耿尚詞氣與重與柳子厚平淮夷雅相埒未歸本天子好生仁武不殺猶柳雅意也事詳平定三逆方略

蕪何莽蒼雲氣忽飛揚寂寥通侯里沉沉

大澤鄉潁川湯沐盡空羨黟甌王自注陳涉亦州

人漢高祖為置守家○漢高於陳涉猶置守家况穎公之平蜀平滇為功最鉅而卒以猜忌不免明祖之待功臣可云厚乎用意全在反觀

潼關

潼津直上勢嵯峨天險初從百二過兩戒  
巾分蟠太華孤城北折走黃河復隍幾見  
熊羆守棄甲空傳犀兕多漢闕唐陵盡禾



黍雁門司馬恨如何。雁門司馬謂孫博庭

孫敗賊遂長驅入關而明亡矣故結意及之

兩度柴關嶺

棧中新漲未歸櫓百丈柴關水怒號鳥語  
不聞深箬鼎馬蹄直上亂雲高天垂洞壑  
蛟龍蟄秋老牙鬚虎豹豪誰識熏香東省  
客戎衣斜駘赫連刀

沔縣謁諸葛忠武侯祠

天漢遙遙指劍關逢人先問定軍山  
惠陵艸木冰霜裏丞相祠堂檜柏間  
八陣風雲通指顧一江波浪急潺湲  
遺民衢路還私祭不獨英雄血淚斑

晚登夔府東城樓望八陣圖

永安宮殿莽榛蕪炎漢存亡六尺孤  
城上風雲猶護蜀江間波浪失吞吳  
魚龍夜偃三巴路蛇鳥秋懸八陣圖  
搔首桓公憑吊



處猿聲落日滿

議論格律聲響無一不合在此地信陽詩

中定推上乘。八陣圖有三在。燕州者六十有四為方陣法。

渡河西望有感

使者河源復卻迴。杖藜曾記到雲臺。高秋華岳三峰出。曉日潼關四扇開。星宿海從天上落。崑崙槎自斗邊來。何時更訪茅龍去。東望滄溟水一杯。  
華岳東北有雲臺峰。從塞外來。通辭是渡河後西望。故書作追憶語。未思他日更往有餘情焉。

贈孝感相公

十有四年春。惟三月日吉。枚卜擇近臣。學士登客。勿措紳。賀於朝。處士慶於室。僉曰。帝知人。吾等夙願畢。公無得志容庭館。轉蕭瑟。公誠王者佐。生平學稷契。致君慕堯舜。自此見施設。銅扉半夜開。沙隄帶月出。暮讀書百篇。朝入語移日。勞瘁咫尺地。欲使萬國活。時方事南征。戎馬久未歇。黎



元尚瘡。瘵原野。恐騷屑。晴風卷旌旗。三農  
乍起。望我仁義師。忍此田間物。公為民  
請命。聞者感心骨。數日政事堂。絲綸慰飢  
渴。中朝相司馬。姓字及走卒。身當畫凌煙。  
名其懸日月。昔時同學人。翹首望回幹。勞  
思尺地以下見兵戎未停瘡痍滿野而  
以為民請命望之相臣得古人贈言之  
體

施愚山見寄長歌和答

闌珊夜雨雞鳴號。關山夢回心魂勞。我所  
懷思渺天末。涼風一起秋蕭條。美人昔贈  
相逢篇。吳綃三尺森瓊瑤。今晨曉窓坐晨  
翫。我欲報之情鬱陶。憶昔相逢客京輦。城  
南華徑紛招要。酒酣惆悵秋燈紅。羨我鬢  
髮漆黑同。即今倏忽別四載。頭上已有霜  
枯蓬。眼前諸子幾人在。浮雲滿水馳西東。  
萬事回頭淚沾臆。人生朝露誰能必。楚澤



難招宋玉魂。緱山不返王喬舄。自注指荔

二子歌詞自絕塵。聲華爛漫今何益。男兒

七尺良可哀。生存華屋終黃埃。儒術用世

行已矣。笑浮名。寔何為哉。不如放意遊八

極。掃除文字棲淵默。未斷塵情憶遠人。茫

茫江水分南北。康熙初公與西樵漁洋荔

為文酒之會。號稱極盛。而聚散存亡人

生難免。多情人不勝華屋山邱之感也。

### 東山亭子放歌

東山望南山。百里隨我前。山亭橫絕浮空

翠。闌干縹緲臨無地。我來氣與霜天高。風

塵歸後寒蕭颯。拂衣枕石每獨往。埴蟻群

笑。滄溟熬百事。回頭如舊否。一片青山落

吾手。倦客重尋岡上廬。坐時舊種門前柳

盡掃。西風萬古愁。且傾落日三杯酒。君不

見謝公高卧東山時。起為蒼生已白首。昔



時絲竹轉淒涼。美人黃土今安有。百年我亦一東山。日夕樵歌動林藪。

分流水送人北歸

分流水。流賤賤。行人到此。麻無語。別淚滴。作分。流泉。我行南來幾千里。多情送遠北河水。北河相送去茫茫。南河相迎客路長。與君相別。分。流處。春草春花。易斷腸。命意遣祠

如出唐人

渡江見焦山有作懷林吉人

江流近海迎朝暎。焦山蒼蒼當海門。憶君焦山古鼎簞。勢凌海日傾江源。金山樓觀特瑰麗。撞鐘伐鼓。壽壺我行再過焦山下。海雲堂中空燕。既茲山不到。屢惆悵。懷慙竟踐蘇公言。惟我與君亦如此。知禰不薦昔人取。只有思君。日夜心長江。湛湛東流水。結另用意而以不能薦賢為恥相思不斷。如水東流。猶見相臣心事。



三月三日同楊松谷泛舟沁水  
始得方舟穩。滄波轉路迷。濤聲春晝外。赤  
影夕陽西。楊柳橫橋暗。桃花夾岸齊。十年  
江海興。與尔手同攜。

晉國

晉國強天下。秦關限域中。兵車千乘合。血  
氣萬方全。紫塞連天險。黃河劃地雄。虎狼  
休縱逸。父老願從戎。子少時尤滄涓宮贊  
以午亭詩見示讀晉

國一篇愛其近杜汝嶺漁洋詩話亦謂  
其備宗少陵前輩先得我心不勝自喜

關樓

辟壘高樓壯。旌旗古鎮尊。塞風春不斷。邊  
日晝長昏。悲角關樓動。孤城海氣翻。往來  
憑吊意。辭賦欲銷魂。

出關門百里宿沙河站

關南滄海浮。天白漠北連。峰拔地青。一片  
山河圖。鄣塞幾家烟。火接邊庭。遼歌調苦。



風還斷。蘆酒愁多夜易醒。卻喜皇威臨

絕域。鎮東門山海關東門戶不須扃。

邯鄲道上

炊熟黃梁已是遲。海門歸路幾人知。卻憐

朝市紛紛客。怕說蘆生夢醒時。盧生之夢終有醒時

怕說殊無謂也此等詩可當禪家棒喝

鄒祜謨字許士江南武進人順治

中秋京邸

此夜中秋月清光。十萬家吳歌聞隔院邊

調入征笳。北闕橫秋色西山隱暮霞。故園

叢桂樹應發昔年花

清河縣

客久歸程近鄉心益不禁。春波高泗水暝

色下淮陰。漠漠寒林樹蕭蕭。枉渚禽黃河

流不到。區德歎彌深。

高

暉字元中山西襄陵人順治戊戌進士



日則山

削出目則山。矗起阿赫部。舍馬從步入路。  
 仄足跡聚泥濕苔如鏡。石銳勢若拒攀援。  
 斷藤行數起。而數仆。山脚霞未明。山腰日  
 已午。曲徑從今日。草木自萬古。叢叢迴寒  
 風。霏霏染翠羽。彷彿露崇岡。壘壘列山塢。  
 廢甕田。殘煙道旁拾遺營。冷然泉聲落似  
 猶雜金鼓聲。頂雲霧開秀峰。若可數恍惚。

見吳山。憇此行路苦。未敢舒寫嘯。恐驚豺

虎怒。極形山之險削而兵戎未平意即於眺望中見之字字峭拔不肯輕下

寄荅桑楚執見懷

短髮空餘老大悲。三年一讀故人詩。竹間  
 殘局完公事。塞外新編是宦資。自笑子長  
 牛馬走誰憐。杜甫鳳凰餓。何時煮石青峰  
 下。共跨黃羊侶鹿皮。

李念茲 字祀瞻。陝西涇陽人。順治戊戌進士。官景陵知縣。有學集序。



秦人詩自李空同文太清皆有車鄰  
駟鐵之遺聲此瞻行安節和一唱三  
歎有蕪良白露美人  
一方旨意非秦散也

### 登浮山

絕頂憑誰引。蒼藤乍可攀。偶然臨險地。不  
信在。人間。古洞遙通棹。江光日浸天。東南  
百戰後。登眺淚潸潸。不信在。人間。登  
高時。真有此想。

### 螢

不自慙微照。秋宵款款飛。乘陰稍騰上。化

腐。暫光輝。月暗時依砌。風生亂點衣。時危  
妨誦讀。乾死舊書帙。

### 立春夜感懷

聞道花門信。甘州今尚圍。城分猶拒戰。兵  
久未成歸。刁斗連邊動。軍書入塞飛。客懷  
無一可。愁絕盼春輝。

### 雲

片片浮雲去。愁人正望鄉。東風吹送汝。戎



日到咸陽

懷歸之作自是唐音

徐文烜

字又章江南青陽人順治戊戌進士

浙東別友人

歲晚催孤客。鄉心逐小舸。來隨江水遠。去繞越山高。寒日淡霜野。陰風亂夕濤。感君多意氣。不必贈絺袍。

張一鵠

字友鴻江南華亭人順治戊戌進士官滇南司李

辰龍關

天地金湯險。出來王氣鍾。五丁開絕塞。三酉抱神龍。亂眼奇峰過。驚心暑瘴重。興亡千古在。立馬倚長松。

懷人

西南諸國真為大。六詔新開楚道平。應憶松江蕞菜好。卻將老眼看昆明。



國朝詩別裁集卷四終

國朝詩別裁集卷四

國朝詩別裁集卷四終

三

Faint vertical text columns, likely bleed-through from the reverse side of the page.



